



**REGIONE AUTÒNOMA DE SARDIGNA
REGIONE AUTONOMA DELLA SARDEGNA**



COMUNE DI SINNAI

COMUNU DE SÌNNIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

Sinniesus festajolus

Seus arribaus a cussa chi in antigòriu sinnàt s'acabu de is festas de bidde. Sa festa de is Santus Còsimu e Damianu.

Custa festa fiat sa prus manna de sa bidde, cussa giai giai prus intèndia de is sinniesus.

Is Santus Còsimu e Damianu fiant duus mèdicus e po custu beniant invocaus po ddi pediri calincuna gràtzia po sanai de is malis.

Is sanctus benint portaus, in antigòriu a palas, oi cun su còciu, de sa crèsia manna de Santa Bràbara a sa cresiedda in su sartu dedicata a issus, oi custa crèsia est a intru de sa bidde e totu. Sa crèsia chi conosceus oi est stètia pesada, a pustis chi ndi fiat arruta giai atras duas bortas, in su 1948.

Sa festa tzivili puru fiat manna meda, fintzas a calincunu annu a oi po custa festa si portat sèmpiri "su cantanti" de foras, ma fintzas ainnantis de custu tempus po sa festa si apariciant is gara poèticas cun is cantadoris mannos e fintzas is parillias innui curriant is cuadderis prus famaus de sa bidde.

Oi custa festa est bivendi unu tempus de crisi, ocannu difatis ddoi at essi una festa prus pirica apariciada de sa parròchia.

Is santus ant a essi calaus in sa cresiedda insoru sàbudu su 23 de Cabudanni, innoi su 23 e totu nci at a essi un'arressinnia de corus de Sinnia. In is diis avatu at a sighiri sa festa religiosa. Su 26, sa dii chi si afestant is santus ddoi at essi un'atru cuncertu de unu coru de sinnia e po acabai totu su 27 de Cabudanni is santus ant a torrai in prucessioni a Santa Bràbara.

S'augùriu est chi custa festa torrit manna comentu a unu tempus

"O arremèdiu soberanu

De su mundu totu cantu

Mèdicus de grandu bantu

Santu Còsimu e Damianu"